



册府元龜

卷之五百七
至十



13
849
169



門 4 3
號 849
卷 169



冊府元龜

淮南李嗣京叅閱

西極文翔鳳訂正

豫章黃國琦較釋

邦計部 二十五

俸祿第三

唐順宗以貞元二十一年正月即位制百官及在城
諸使息利本錢徵放多年積成深弊內外官料錢職
田等厚簿不均兩稅及諸色摧稅錢物重輕須有損
並宜委中書門下與所司商量其利害條件以聞不

得擅有閉糴禁錢務令通濟又詔停內侍郭忠政等十九人正員官俸錢

七月中書門下奏勅釐革京百司息利本錢應徵近親及重攤保并遠年逃亡等今年四月十七日勅本利并放訖其本事須借錢添填都計二萬五千九百四十三貫六百九十九文伏以百司本錢久無踈理年歲深遠亡失頗多食料既虧公務則廢事須添借令可支持伏望聖恩許令准數支給仍請以在藏庫度支除陌錢克勅旨宜依

憲宗元和二年正月尚書左丞鄭元請取河中羨餘錢三千貫文充助都省厨本從之前恐河中節度因有是請議者以爲省司公膳自有成制苟或不足當更請於上不宜以前任羨財而私加之也

六月中書門下上言伏以聖政惟新事必歸本近又踈理五坊戶邑令府縣却收萬情欣喜出望外臣等敢不釐革舊弊率先有司上副聖情用弘至理其兩省納課陪厨戶及提錢人摠一百二十四人臣當司並不收管望各歸府縣從之

五年六月戶部侍郎判度支李夷簡奏應給食實封官自貞元十三年已後節度使兼宰相每百戶給八

百端匹若是絹更給綿六百兩節度使不兼宰相每百戶給四百端匹軍使及金吾諸衛諸軍大將軍每百戶給三百五十端匹至貞元二十一年七月六日勅應食實封其節度使宜令百戶給八百端匹若是絹兼綿六百兩伏以食封本因賞功封之多少視功之厚薄不以官位散要別制等差其節度使兼宰相請准舊例餘節度不兼宰相准貞元二十年已前例處分從之

六年四月御史臺奏諸使慮有捉利錢戶請同臺省例如有過犯差遣並任府縣處置從之

五月御史中丞柳公綽奏請諸司諸使應有捉利錢戶其本司本使給戶人牒身稱准放免雜差遣夫役等如有過犯請牒送本司本使科責府縣不得擅有決罰仍永爲常式者臣昨因奉進止追勘閑廐使下利錢戶割耳進狀劉嘉和訢被所繇分外科配等事由因勘責劉嘉和所執牒身所引勅文簡勅不獲牒閑廐使勘勅下年月日又稱遠年文案失落今據閑廐使利錢案一使之下已有利錢戶八百餘人訪聞諸使並同此例戶免失役者通計數千家况犯罪之人又常僥倖所稱捉利錢戶先亦不得本錢百姓利

其牒身情願虛立保契文牒一定子孫相承至如劉嘉和情願充利錢戶事繇緣與人歐鬪打人頭破時便於閑廩使情願納利錢得牒身免府縣科決實亦不得本錢已具推問奏聞訖伏奉進止令臣具條流奏聞者今請諸司諸使所管官錢戶並依臺省舉本納利人例諸司諸使更不得妄有准勅給牒身免差遣夫役及有過犯許作府縣處分如官典有違請必科處使及長官奏聽進止其先給牒者並仰本司使收毀入後在人戶處收毀不盡其官典必有科責其捉錢戶元不得本錢者亦任便不納利庶得州府不

失丁夫姦八免有僥倖勅旨宜依如已經處分後更有執此文牒亦免差遣夫役者便委京兆府據罪科責仍具本司本使名御聞奏六月詔減教坊樂官本糧

八月戶部侍郎李絳奏諸州闕官職田祿米及見任官抽一分職田請所在收貯以備水旱賑貸從之又詔百官職田其數甚廣今緣水潦諸處道路不通宜令所在貯錢充度支支用百官却令據數於大倉請受

十月詔河南水陸運陝府陝運潤州鎮海軍宣州探

石軍越州義軍洪州南昌軍福州靜海軍等使額並
宜停所收使已下俸料一事已上各委本道充代百
姓闕額兩稅仍具數聞奏如聞河南陝府兩處比來
所給皆是置本利息不破正錢勒便添充兩食錢雜
給不要更徵庶我愛人之心不止於惜費立制之意
必在於正名

閏十一月勅河中鳳翔易定四道州縣久破俸給至
微吏曹注官將同北遠在於理體切要均融宜以戶
部錢五萬五千貫文充加四道州縣官課料
七年六月加賜澤潞磁邢洛五州府縣官料錢

十二月以鄜坊邠等三州官吏近邊俸薄各加賜其
料錢

是年中書門下奏國家舊章依品制俸官一品月俸
三十千其餘職田祿米大約不過千石自一品已下
多少可知艱難已來綱禁漸弛於是增置使額厚請
俸錢故大曆中權臣月俸有至九千貫者列郡刺史
無大小給皆千貫嘗衮爲相始立限約至李泌又量
其閑劇隨事增加時謂通濟理難減削然有名存職
廢額去俸存閑劇之間厚薄頗異將爲定式須立嘗
規制從之乃命給事中段平仲中書舍人常貫之兵

部侍郎許孟容戶部侍郎李絳等詳定減省
九年八月詔諸司食料錢緣初令戶部出放已久散
失頗多須有變通使其均濟其中書門下兩省及尚
書省御史臺或務總樞機或職司彈糾而倍稱息利
於體尤乖宜以戶部除陌錢每貫先收二十文數外
更加五文委戶部別收貯計其所費逐處支給其本
利錢先出放者宜各委本司勘會聞奏其合徵收者
便充當司公廨什物添修等用其諸司食利亦准此
勘會其合徵錢便充餼錢若數少不充以其前件除
陌五文錢量所欠添本出放其所收五文錢每歲不

闕添本之外合有所餘諸司廨宇破壞者便充修補
緣諸司人吏轉遷不常新舊之間因緣乾沒諸稱走
失職此之繇何後須令本判官勾當勒令一一交割
若逝相公付仍委御史臺一人專知勘覆仍先具條
流聞奏

十一月戶部奏唯八月十五日勅諸司食利本錢出
放已久散失頗多各委本司勘會其合徵錢數便充
食錢若數少不充以除陌五文錢量其所欠添本出
放者令准勅各牒諸司勘會得報據秘書省等三十
二司牒應管食利本錢物五萬三千九百五十二貫

九百五十五文

各隨司被逃亡散失見在見徵數額與元置不同今但據元置數額而已

秘書省

三千三百八十貫五百文

太嘗寺

六千七百二十貫六百六

光祿

寺

一千二百九十貫六十四文

宗正寺

一百一十七貫九十五文

衛尉寺

一千二百

五百貫

太僕寺

一千九百九十五文

大理寺

五千九百二十四貫七百四十文

鴻臚寺

二千六百六十貫文

司農寺

二千七百三十五貫七百七十文

大府寺

一千五百八十八貫九百文

殿中省

九百九十貫五百五十文

詹事府

一千一百九十一貫

三百七十七文

園子監

二千六百四十四貫二百五十文

少府監

一千三百三十四貫

七百三十一文

將作監

一千六百一十七貫文

左春坊

一千三百七十七文

春坊

一千三百八十貫文

家令司

一千八百一十貫七百七十文

太僕

寺

四百三十六貫六百五十文

總監

二千六百七十二貫文

左藏庫

六百二十貫文

尚食局

三百三十貫八貫文

尚舍局

三百七十四貫三百文

尚輦局

一百

太倉

二千四百一十五貫六百八十一文

內中局

六百三十六貫二百文

萬年縣

三千四百貫六百文

長安縣

二千七百四十五貫四百三十三文

左衛

五百四十四貫文

司禦帥府

二百四十貫文

右司禦率府

一百貫文

勅宜更委御史

臺子細簡勘具合徵放錢數及量諸司開劇人日加

減條流奏聞

十二月勅北緣諸司食利錢出舉歲深為弊頗甚已

有釐革別給食錢其御史臺奏所勘責秘書省等三

十二司食利本錢數內有重攤轉保稱甚困窮者據

所欠本利並放其本戶中納利如有十倍以上者既

緣輸利歲久理亦可矜量准前本利並放其納經五倍以上從今年十二月以前應有欠利並放起元和十年正月以後准前計利徵收其餘人戶等計其倍數納利非多不可一例矜放宜並委本司准前徵納其諸司所徵到錢自今已後仍於五分之中常抽一分留添官本各勒本司以後相承收管其諸司應見徵納及續舉放所收利錢並准今年八月十五日勅充添脩當司廨宇什物及令史驅使官厨料等用仍委御史臺勾當每常至年終勘會處分其諸司除踈理外見在本錢據額更不得破用如有欠失即便勒

主掌官典所繇等據數填備其中書門下兩省及尚書省御史臺應有食利錢外亦便令准此條流處分其諸司除此食利錢更別有諸色本錢不得妄援此例

十年正月御史臺奏秘書省等三十二司除踈外見在食利本錢應見徵納及續舉放所收利錢准勅並充添修當司廨宇什物及令史驅使官厨料等用准元和九年十二月二十九日勅仍委御史臺勾當每至年終勘會處分其諸司踈理外見在本錢據額不得破用如有欠失即便勒主掌官典所繇等填陪者

其諸司食利本錢踈理外合徵收者請改案額爲元
和十年新收置公廨本錢應緣添修廨宇什物及令
史府史等厨並用勒本司據見在戶名錢數各置案
曆三官通押逐委造帳印訖入案仍不得侵用本錢
如人戶辨納本利錢縱都數未足亦勒據數與納召
至別置案曆准前通押如至年終勘會欠少本利官
典諸節級准法處分如于掌官典改移亦勒造帳交
付承後官典具單帳報臺交割分明即給前官典牒
知公驗如欠少本利送臺勘責其事由聞奏即冀官
錢免至散失年額既定勾當有憑勅旨宜依

十二月勅新授右散騎嘗侍任總簡秘書少監獨孤
郁等如聞疾患日久未在視事其俸料等宜令所司
住給

十一年八月勅京城百司諸軍諸使及諸道應差所
由并召人捉本錢右御史中丞崔從奏前件捉錢人
等比緣皆以私錢添雜官本所防耗所禱補官利近
日訪聞商販富人投身要司依託官本廣求私利可
徵索者自充家產或逋欠者證是官錢非理逼迫爲
癸非一今請許捉錢戶添放私本不得過官本錢勘
責有剩並請設官仍量輕重科處其所放官本并許

添私本每舉放數足仰錢戶具所舉人姓名錢數狀報本司仰本司收連入案三官同押排科印記仍各隨錢人牒知如他時因有論競勘案曆不同不在與徵理之限庶官利不失私家獲安從之

九月東都御史臺奏當臺食利本錢從貞元十一年至元和十一年息利十倍以上者二十五戶從貞元十六年至元和十一年息利七倍以上者一百五十六戶從貞元二十年至元和十一年息利四倍以上者一百六十八戶伏見去年京畿諸司本錢並條流甄免其東都未蒙該及者竊以淮寇未平供饋尚切

人力小弊衣食屢空及納息利年深正身既沒子孫又盡移徵親族旁食無支族散徵諸保保人逃死或所繇代納縱有釐老孤獨仰無所依立限踰年虛繫錢數公食屢闕人戶不堪伏乞天恩同京諸司例特甄減裁下勅旨從奏

十二年正月門下省奏應管食利本錢總三千四百九十八貫三百二十一文

宰相已下至主錄等食利二百七十八貫三百四十四

中書省奏當省食

利本錢其五千貫文

宰相已下官至主錄等食利錢一千貫直省院食利本錢准建

中二年四月勅准元和九年十二月九日勅令勘會

踈理其見在合徵錢准勅合充添修當司廨守什物
其省院本錢緣是當院自歛置本請便充本院添厨
等用勅旨依奏

四月勅京百官俸料從五月已後宜並給見錢其數
內一半先給元佑匹段者卽據時估實數廻給見錢
八月京兆尹竇易直請改職田法並入兩稅地事竟
不行

十三年三月詔百司職田多少不均爲弊日久宜令
每司各收職田草粟等數自長官已下據多少人作
等差除留闕官物外分給

六月以德埭倉景四州頃遭水潦給復一年遂定四
州官吏俸錢料刺史每月一百五十千望緊上縣令
每月四十千餘有差

十四年三月屯田奏左右神策中尉准令式二品官
令受田一十頃請取京兆府折衝府院戎場梁埒公
廨等地七十七頃二十六畝八分數內取二十頃充
前件官職田依奏

四月勅京畿二十二縣欠元和十四年京百司職田
二十二萬九十一石東貫等京畿百姓聞甚艱貧頃
差船運軍糧今又修營陵寢雖應緣驅役皆給價錢

而屢有役名頗妨農畝豈可更徵懸欠重使憂愁其所欠並宜蠲免其令受納所欠職田或見在官班各請厚俸或近終考秩稍有餘資宜體朕懷以寬人力是月重定淮西州縣等制及官吏祿俸以蔡州爲繁澶州爲上其刺史俸錢月一百八十千申光二州並爲中刺史月俸一百五千長史已下有差

十月御史中丞蕭俛奏應諸司諸軍諸使公廨諸色本利錢等伏緣臣當司及秘書省等三十二司利錢伏准今年七月十三日赦文至十倍者本利並放展轉攤保至五倍者本利並放緣前件諸司諸使諸軍

利錢節文並不該及其中有納利百姓見臣稱訴納利已至十部者未蒙一例處分來臣上達天聽臣已面陳奏訖伏以南北諸司事體無異納利百姓皆陛下赤子若恩澤均及則雨露無偏伏望聖慈特賜放免如先臣所奏伏乞特降勅旨並進今年七月十三日赦文處分仍永爲定制勅旨依奏

穆宗以元和十五年正月即位二月詔內外百官食利錢十倍至五倍已上節級放免仍每經十年即內外官百司各錫錢一萬貫充本各據司大小公事閑濬及當司貧富作等第給付

六月勅朕聞帝王所重者國體所切者人情苟得其體必臻於太和如失其情是繇于小利况設官求理頒祿責功既有嘗數寧宜就減近者以每歲經費量人不克外官俸料據數抽貫再三思度終所未安穩念彼外方或從卑官一家所給三載言歸在公當其于繁廉受祿又苦於減剋待我庶吏豈其然乎雖憂國之誠固須贍助而恤人之慮將起怨咨必若水旱爲虞干戈未戢事非獲已人亦何辭今則幸遇豐登又方寧謐九州之內永絕妖氛三邊之上奠除烽警自宜剋已以足用安可剝下以爲謀臨軒載懷實所

愜其度支所准五月二日勅應給用錢每貫抽五文都計一百五十萬貫文並宜停抽初宰相以國帑不足故權請抽減諫官及言事者累陳表章以爲非便故復下此詔以罷之

八月賜教坊錢五千貫充本以收息利

長慶元年三月勅添給諸司本錢准元和十五年五月十一日勅內外百司准二月五日敕文宜共賜錢一萬貫文以戶部錢充仍令御史臺據司額大小公事開濶爲等第均配

七月制百司職田在京畿諸縣者訪問本地多被所

繇侵隱抑令貧戶佃食膏荒百姓流亡半在於此宜委京兆府勘會均配務使公平

二年十月勅司徒兼中書令韓弘疾未全平尚須在假將息其俸料宜從勅下日便令所司支給

三年十一月賜內園本錢一萬貫軍器使三千貫

十二月賜五坊使錢五千貫賜威遠鎮軍錢一千貫以爲食利

四年五月勅近日訪問京城米價稍貴須有通變以便公私宜令戶部應給百官俸料其中一半合給匹段者迴給官中所糴粟每斛折錢五十文其匹段委

別貯至冬糴粟填納大倉時人以爲甚便

敬宗寶曆元年四月制京百司田散在畿內諸縣舊制配地出子歲月已深佃戶至有流亡官曹多領虛數今欲據額均入地盤萬戶供輸百司盡得隨稅出子逐畝平攤比量舊制孰爲允便宜委京兆府與中田審勘計會條流聞奏

文宗太和元年三月鹽鐵使王播進停減鹽鐵官吏課料絹一萬六千三百匹

十一月嶺南觀察使胡証奏端康封三州刺史月俸錢請各給至一百貫文請當道自圓融支給從之

十二月殿中省奏尚食局新舊本錢總九百八十貫
文伏以尚食貧虛更無羨餘添給伏乞聖慈更賜添
本錢二千貫文許臣別條流方圓諸色改換收利支
用庶得不失公事勅旨賜本錢一千貫文以戶部五
文抽貫錢充

三年七月詔滄德二州州縣官吏等刺史每月料錢
八十貫錄事參軍三十五貫判司各置二人各二十
五貫縣令三十貫尉二十貫其令俸祿且以度支物
充仍半支省佑匹段半與實錢

四年七月勅吏部奏應比遠道州縣官課料錢請令
依元額計支給不得更有欠折勅旨依奏

是月勅應外任官帶一品正京官縱不知政事其俸
料宜付所司並令兼支

七年二月戶部侍郎庾敬休奏應文武九品已上每
月料錢一半合給匹段絲綿等伏以自冬涉春久無
雨雪米價稍貴人心未安自德音放免逋懸賑恤貧
下中外群庶已感聖慈至於衣冠之家素乏儲畜朝
夕取給猶足爲憂以臣愚見若令百官料錢內一半
停給匹段絲綿等廻太倉粟每斛計價七十文在衆
庶必見惟康於公家無所虧減待至麥熟米價稍賤

卽依前却給匹段等酌其事理庶叶變通勅旨宜依八月勅中書門下省所將本錢與諸色人給驅使官文牒於江淮諸道經紀每年納利並無元額許置如聞皆是江淮富豪大戶納利殊少影庇至多私販茶鹽頗撓文法州縣之弊莫甚於斯宜並勒停兩省先給文牒仍盡追收其去年所減人數雖無挾名尚執兩省文牒亦宜收訖聞奏以後不承正勅不在更置之限

八年八月劔南東川觀察使楊嗣復言普渝合三州刺史料錢及六十千者請自加給從之

九年正月勅中書門下兩省奏請依元和元年八月六日勅各置捉錢官勅中書省宜置三十人門下省置二十五人

六月詔宰相俸料宜准元和十四年已前例並給見錢

十一月詔江西湖南以官健衣糧一百二十五分送上都充宰相召雇手力是日中書門下上言宰相上窮聖政下理群司若忠正無邪宗祚所祐縱逢盜賊兵不能傷若事涉隱欺心懷矯妄雖有防衛神得而誅臣等願推赤心以荅聖獎孟軻知非臧氏孔子不

畏匡人其前件衣糧並請勒停依從前制置只以金吾司手力充引從從之

開成元年五月判國子祭酒事門下侍郎平章事鄭覃奏太學新置五經博士各一人屯田素無職田請依王府官品秩例賜以祿粟許之

二年八月戶部侍郎李班奏京諸司六品以下官請假往外遠假不到本官停給料錢勅旨遠限停俸料宜依餘准令式

十月詔日書載堯典首陳陸族詩歌周德實羨維城朕嗣統百王憲章二代義雖本於叙族道無隗於尊

其式遵舊章爰舉成命嘉王運循王遙通王嘗等皆
孝歎恭懿敏裕齋莊播蘭蕙之清芬炳珪王之符采
易陵而獻詩掩楚元古人素風造次於是師氏典訓
則旋以之固可以超金紫之貴階升台鉉之崇秩策
勳詔爵以寵分茅並可金紫光祿大夫簡較司空賜
上柱國仍依百官例給料錢勅簡較吏部尚書安王
溶簡較兵部尚書穎王諒
武宗各宜並依百官例賜料
錢

三年七月勅尚書省自長慶三年賜本錢後歲月滋久散失頗多或息利數重經恩放免或人戶逋欠無

處徵收如聞尚書丞郎官入省日每事闕供須議添
助除舊賜本錢徵利收及吏部告身錢外宜每月共
賜一百貫文委戶部逐月支付其本錢任准前收利
添充給用仍委都省納勒舊本及新添錢量多少均
配逐行分析聞奏須令占額用度不得妄有破除每
至季終委都省磨勘中中書門下

四年二月詔曰司徒燕中書令裴度盛有勲烈累任
台衡以疾恙未任謝上須加優異用示恩榮其本官
俸料宜起今日便付給所司

三月詔曰仙韶院樂官每月料錢數內減三百千轉

給翰林侍講太子少師王起起富於文學寬厚居
理家無法俸入及門

為僕妾所有老年寒餒帝念以故老哀其貧窶故特
有加給起不知陳讓而與令人分俸急於苟得時論

之

六月文宗御紫宸殿宰臣李珣奏堂厨食利錢一千
五百貫文供宰相香油蠟燭捉錢官三十人頗擾百
姓今勘文書堂頭共有一千餘貫所收利亦無幾臣
欲總長此錢用自不盡假令十年之後更無此錢直
令戶部供給亦得爾省亦有此錢臣亦欲商量共有
三百餘人在外求利米鹽細碎非國體所宜帝曰大
細碎楊嗣復曰百司食利實為煩碎自貞觀以後留

此弊法臣等即條流聞奏乃奏宰臣置厨捉錢官並
勒停其錢並本錢並追收勒掌後驅使官置庫收掌
破用量入計費十年用盡後即據所須奏聽進止勅
旨宜依

册府元龜

淮南李嗣京參閱

西極文翔鳳訂正

豫章黃國琦較釋

邦計部 二十六

俸祿第四

唐武宗以開成五年正月即位二月制曰諸道承乏
官等雖云假攝當責課程但露一半料錢不獲雜給
料例自此手力紙筆特委中書門下條流貴在酌中
共為均濟

三月中書門下奏准今年二月八日赦節文應京諸司勒留官令本處尅留手力雜給錢與攝官者臣等檢詳諸道正官料錢絕少雜給手力即多今正勒留亦管公事俸入多少事未得中臣等商量其料錢雜給等錢望每貫割留二百文典攝官其職田祿米全還正官從之

五月中書奏准今年二月八日赦節文應諸色勾留官令尅下手力雜給等與本道州府充攝官課料無本司起請者臣等詳檢諸道官員俸料不一或正官料錢絕少雜給雜料過多若准赦文手力紙筆並令

尅不則正官勾留亦領公事所請俸料不如攝官既未得中亦恐難守本司既無起請中書門下須與條流臣等商量應諸色勾留官正料及手力課雜職課雜給雜料紙筆等錢望各委本州都計錢數每貫尅二百文充攝官俸料其職田祿粟米望令全還正官不在計入諸色錢數之限臣等又以諸州長馬本不散員判司簿尉或須假攝其所尅留錢望委州司酌量閑劇差署均融多少支給亦不要各占本色錢數及填滿缺員仍令每至歲終分析申報戶部從之

會昌元年二月中書奏河東隴右諸州或興王舊都

或陪京近地州縣之職人合樂爲祇緣祿俸寡薄官同北遠元和六年閏十二月十二日及元和七年十二月二十四日勅河東鳳翔鄜坊邠州易定等道令戶部加給課料錢共六萬二千五百貫文曹省出得平留官數百員時議以爲至當自後訪聞戶部所給零碎兼不及時觀察使以其虛拆皆別將破用徒有加給不及官人近地好官依前比遠伏望今日已後令戶部却興實物仍及時支遣諸道並委觀察判官專判此案隨月加給官人不得別將破用如有違越觀察判官遠貶觀察使奏取進止有選人官成後皆

于城中舉債到任填還致其貪求罔不繇此其今年河東隴州鄜坊邠州新授比遠官等許連狀相保戶部各借兩月加給料錢至支給時尅下所與初官到任不滯息債衣食稍足可責清廉從之

四月河南府奏當府食利本錢出舉與人勅旨河南府所置本錢用有名額既無別賜所闕則多宜令改正名額依舊收利充用

六月河中晉絳慈隰等州觀察使孫簡奏准敕書節文量縣大小各置本錢逐月四分收利供給不乘驛前觀察使刺史前任臺省官等晉慈隰三州各置本

錢訖得絳州申稱無錢置本令使司量貸錢二百貫
充置本以當州合送使錢充勅旨宜依仍付所司
是月戶部奏准正月九日勅文放免諸司食利錢每
年別賜錢三萬貫文充諸司公用今准赦文酌量閑
劇率配如後准長慶三年十二月九日勅賜諸司食
利本錢共八萬四千五百貫文四分收利一年祇當
四萬九百九十二貫文今據赦文所賜錢三萬貫文
若據舊數率配即欠一萬九百九十二貫不足今請
落下徵錢驅使官每貫二百文課並更請於合給錢
內四分中落一分均攤分配長慶三年得新賜錢三

十二司外更有剩錢五百四貫八百文便將此錢均
給東都臺省等一十四司祇用新賜錢三萬貫文並
得充足諸司雖落下一分錢緣置驅使官員於人戶
上徵錢皆被延引或人逃散失落嘗不得足雖有四
分收利之名而無三分得利之實今新賜錢入日便
請更無懸欠用即可足繁劇司比有官錢出放欠亦
侵用本錢今既無本錢支料須足伏緣中書門下公
事不同諸司恐不可落下一分及徵錢人課今請每
月並舊錢添至三百貫文其御史臺頻得報牒稱本
錢數多支用處廣雖有諸道贓罰錢公用嘗不充足

今請每月合得利錢數外每月更添至三百貫文內侍省據自司報牒稱省內公用稍廣利錢比於諸司最多今請於合得錢外亦添至三百貫文兵部吏部尚書等銓一十一司緣有舊本錢准勅放免又有公事今請每月共與一百五十貫文并中書門下御史臺及兵吏部諸銓每年共當六千八百二十九貫六百文伏緣三萬貫文均給諸司已盡臣今於新賜外更請添賜上件錢所費不廣所利至多則內外諸司永得優足伏望聖恩允臣所奏其諸司分配賜錢若據諸司牒報見收利多少分配或以人戶逃散經恩

放免見在本錢所存無幾其間有三五司自方圓致本數即稍多事例不同難於均一人吏得以欺隱實數不可交尋今請依長慶三年十二月九日均賜錢勅額分配新賜錢三萬貫事有根抵亦得均平酌量閑劇皆有所據其逐日錢數多少續具子細分析聞奏勅旨宜依

二年正月勅去年赦書所放食利祗是外百司食錢令戶部共賜錢訖若先假以食利爲先將充公用者並不在放免如聞內諸司息利錢皆以食利爲名百姓因此亦求蠲免宜各委所司不在放免限

六年二月詔以諸道鑄錢已有次第須令舊錢流布
縮價稍增文武百寮俸料起三月一日並給見錢其
一半先給虛匹段對估時價支給

三月戶部奏百官俸料一半匹段給見錢則例勅旨
其一半先給元佑匹段者宜令戶部准元和十二年
四月十三日勅例每貫給見錢四百文使起四月以
後支給

八月勅夏州等四道土無絲蠶地絕征賦自節度使
以下俸料賞設皆尅官健衣糧所以兵占虛名軍無
戰士緩急寇至無以支敵將欲責課又皆有詞須有

商量用革前弊夏州靈武振武節度使宜每月各給
料錢厨錢共三百貫文監軍每月一百五十貫文別
勅判官每月五十貫文節度副使每月七十貫文判
官掌書記觀察判官每月各五十貫文推官四十貫
文賞設每道每年給五千貫文修器械每道給二千
貫文天德軍使料錢厨錢每月共給二百貫文監軍
每月二百貫文都防禦副使每月五十貫文判官每
月四十貫文巡官每月三十貫文賞設每年給三千
貫文修器仗每年一千貫文如以後依前兵額下實
器仗不修其本判官重加貶降王師別舉處分其所

給料錢等並以戶部錢物充起十月支給一年以後仍每秋一度差御史一人點簡兵士器仗聞奏

十月京兆府奏諸縣徵納京百司官秋職田斛斗等伏請從今已後却准會昌三年已前舊例上司官斛斗勒人戶使自送納所異輪納簡便百官各得本分職田縣司所由無因隱欺者並從之

十二月中書門下奏應諸州刺史既欲責其繁已須令俸祿稍充但以厚薄不同等給無制致使俸薄處無人願去祿厚處終日爭先應諸中下州司馬軍事俸料共不滿一百千者諸添至一百千其繁上州不

滿一百五十千者請添至一百五十千其雄望州不滿二百千者請添至二百千其先已過者即得仍舊並任於軍事雜錢中方圓置本收利充給如別帶使額者並仍舊不在添限勅旨依准奏

宣宗大中元年十月屯田奏應內外官請職田陸田限三月三十日水田限四月三十日麥田限九月三十日已前上者入後人已後上者入前人伏以令式之中並不該閏月每遇閏月交替者即公牒紛紜有司即無定條莫知所守伏以公田給使須准期程時限未明實恐遺闕今請至前件月遇閏即以十五日

爲定式十五日已前上者入後人已後上者入前人據今條其元闕職田並限六月三十日春麥限三月三十日宿麥限十二月三十日已前上者入新人已後上者並入舊人今亦請至前件月遇閏即以十五日爲定式所與給受有制永無訴論勅曰五歲再閏固在不刊二稔職田須有定制自此已後宜依屯田所奏永爲嘗式

三年九月勅秦州刺史並秦成兩州經略天雄軍使職田夏小麥共八十石秋粟一百二十石原威州刺史職田夏小麥各二十三石秋粟各六十六石七斗

又勅秦州刺史祿粟每月給五十一石原州威州刺史祿粟每月各給四十一石

四年正月勅設官分局各有主張其於在公責辦斯切諸州府及縣官到任已後多請遠假或稱周親疾病或言將赴婚姻令式既有假名長吏難爲止遏遂使本曹公事併委北廳手力俸錢盡爲已有勤勞責罰則在他人須有條流俾其兼濟其諸州府縣官如請公廨假故一月已下卽任權差諸廳判官一月已下卽任權差諸廳判官一月已上卽准勾留例其課料等據數每尅二百文與見判案官添給九月賜張

直方簡較工部尚書料錢直方仲武之子以其全家歸闕故優假之

哀帝天祐元年八月四鎮節度使朱全忠進汴滑監軍使俸料絹四千匹充百官八月九日俸錢

九月勅奉太后慈旨以兩司綱運未來百官事力多闕旦夕霜冷深軫所懷令於內庫方圓銀二千一百七十二兩充見任文武嘗參官救接委御史臺依品秩分俸

二年四月勅文武二柄國家大綱東西兩班官職同體咸禪聖運其列朝廷品秩相對於高卑祿俸皆均於厚薄不論前代祗考本朝太宗皇帝以中外臣寮文武參用或自軍衛而居臺省亦繇衣冠而秉節旄足可明武列文班不合分清濁優劣近代浮薄相尚凌蔑舊章假偃武以修文競棄本而逐末雖藍衫魚章簡一見而便許昇堂縱拖紫腰金若非類而無繇接席以是顯揚榮辱分別重輕遽失人心盡隳朝體致其今日實此之由須議更改漸期通濟文武百官目一品已下逐日所給料錢並須均勻數目多少一般支給兼差使諸道亦依輪次既就公平必期開泰凡百臣庶宜體朕懷

三年三月詔曰所有百官俸料實繫國用盈虛昨自去冬令給全俸及支遣之後公帑不充蓋道途初通綱運未集徒挂憂勤之念尚牽經費之資若不議均分則必至懸絕量其物用須有指揮其百官逐月料錢宜令左藏庫自今年正月支半俸

梁太祖開平三年正月詔曰秩俸所以養賢而勵奉公也兵車未戢貢賦莫充朝謁甚勤祿廩蓋寡朕今啓建都市已畢郊禋職采至多費用差少其百官逐月俸料委左藏庫依前例全給後唐莊宗同光元年十月勅如聞京百官俸錢至薄骨肉數多支贍不充

朝夕難遣爲庭時刻削嚴急不敢披陳今既混同是行優卹下御史臺在班行有欲求外職或要分司各許於中書門下投狀奏聞

三年二月租庸院奏諸道州縣官並防禦團練副使判官等俸料各據逐處供到事例文帳內點簡舊來支遣則例錢數不等所折給物色又加擡錢數不定難爲勘會合除東京管內州縣官見支手力課錢且依舊外其三京並諸州約舊日支遣料錢等重定則例兼切循本朝事體防禦團練除副使判官外其餘推巡已下職員皆是本使自要辟請圓融月俸贍給

亦乞依舊規繩省司更不給支錢物其防禦團練副使判官副使逐月料錢三十貫文實判官逐月二十貫文實刺史州元無副使若有請廢其軍事判官所有月俸亦是刺史俸內支贍三京少尹料錢逐月三十貫文實赤縣令每月正授料錢二十五貫文實主簿每月料錢一十二貫文實畿縣令每月料錢二十貫文實主簿每月料錢一十貫文實司錄參軍每月料錢二十貫文實諸曹判司每月料錢一十二貫文實文學參軍每月料錢五貫文實諸州府錄事參軍各依逐州上縣令支州司判司各依逐州上縣主簿

支一萬戶已上縣縣令每月料錢二十三貫文實主簿每月料錢一十二貫五百文實九千戶已上縣縣令每月料錢二十二貫文實主簿每月料錢一十二貫文實八千戶已上縣縣令每月料錢二十一貫文實主簿每月支一十貫五百文實七千戶已上縣縣令每月支二十貫文實主簿每月支一十一貫文實六千戶已上縣縣令每月支一十九貫文實主簿每月支一十貫五百文實五千戶已上縣縣令每月支一十八貫文實主簿每月支一十貫文實四千戶已上縣縣令每月支一十七貫文實主簿每月支九貫

五百文實三千戶已上縣縣令每月支一十九貫文
實主簿每月支九貫文實二千五百戶已上縣縣令
每月支一十三貫文實主簿每月支八貫五百文實
二千戶已上縣縣令每月支一十四貫文實主簿每
月支八貫文實一千五百戶已上縣縣令每月支一
十三貫文實主簿每月支七貫五百文實一千戶已
上縣縣令每月支一十二貫文實主簿每月支七貫
文實五百戶已上縣縣令每月支一十一貫文實主
簿每月支六貫五百文實五百戶已上縣縣令每月支
一十貫文實主簿每月支六貫文實自赤縣令已下

考滿并差攝比正官並支一半如諸道舊有田處令
後不得占留開破並依百例輸稅奉勅宜依

是月租庸院奏新定四京及諸道副使判官已下俸
料請降勅各下逐處支遣兼除所置副使判官掌書
記推官外如本處更安排簡置官員即勒本道節使
自備請給不得正破係省錢物其諸道藩鎮請祗置
節度副使節度副使每月料錢四十貫文依除實錢
厨料米一石麵二石肉價錢三貫文蒿六十束柴三
十束春服絹一十五匹冬服絹一十五匹綿三十兩
私馬二匹草料節度觀察判官料錢每月三十貫文

依除實錢厨料米六斛麩一石五斛肉價錢二貫蒿四十束柴二十束春服絹一十二匹冬服絹一十二匹綿二十五兩私馬一匹草料節度掌書記料錢每月二十五貫文依除實錢厨米六斛麩一石二斛肉價錢一貫五百文蒿三十束柴一十五束春服絹一十匹冬服絹一十匹綿二十兩私馬一匹草料留守兼判六軍請置副使判官推官三員副使依節度副使例判官依節度觀察判官推官依諸道推官例留守不判六軍請置判官推官二員判官依節度觀察判官推官依諸道推官例四京府請祗置推官一員如已有判官即不置推官其請受准留守推官例其料錢准百官例折支所有厨料時服等即給本色勅宜令諸道節鎮依舊更置觀察支使一員其俸料春冬衣賜仍准掌書記例支遣餘依租庸院所奏明宗天成元年十月水部員外郎劉知新奏尚書省京師會府輦轂繫司奏議雖委於官寮行遣亦資於胥史六典之制官吏有俸有糧其尚書省諸司令史伏請給賜月糧俾其奉職

二年十月詔日策名筮仕誠切於進身制祿命官儀從於責實既懲黷貨宜有代耕應天下州縣官員逐

月俸料如聞支給多不及時縱或支遣皆是爛弱斛
斛既闕供須難責蕪慎自北隨處官員所破料錢宜
令涿縣人戶於合送納稅物內計折充支一則免勞
人戶輸送一則便於官寮仍下三司速與計度

四年七月給事中許光義奏請支令錄實料錢責於
守法

八月北京奏留守巡官料錢未有省司則例取勅旨
承前使府置判官皆本使臨時辭請無朝廷除拜之

例同光初祖庸使亂譙以軍儲諸給自於郭崇韜諸
道奏請判官員外數過多徒費軍食諸為定額乃
奏使幕紙置節度觀察判官書記支使推官十一員
留守置判官各一員三京府置判官餘並罷俸設自

節度判官三十千已降有差謚又奏百官俸錢數百
人多折支非實請減半數皆支實錢並從之洎同光
未謙得罪廢租庸使額謙之弊政皆消除惟有定官
員減俸之事因循未革所及一半實俸餘從虛折議
者非

長興二年閏五月起居郎曹琛奏兩班或請假歸寧
或染病未損纒注班簿便任料錢勅旨有禮於君克
勤於國為臣所重自古皆然其或令朝不朝即虧匪
懈無病稱病亦屬自欺儻異下冰須資勿藥卧疾非
人情所欲歸寧光孝治之朝曹琛所奏文武官員請
歸寧准式假及實卧病者並許支給本官料錢宜依
或有託病不赴朝參故涉曠怠者慢於事君何以食

祿如聞糾奏當責尤遠

是月勅諸道行軍司馬副使判官已下賓寮等考滿未有使贖人宜令並全支俸料元不在省司給俸者不在此例

八月勅刑法之司朝廷重委是以前王應運必繇獄訟所歸庶物無冤然後陰陽式序豈獨繫於彼相實亦賴於有司異致和平共期仁壽宜示優崇之道以明獎激之方此後大理寺官員宜同臺省官吏昇進其法直北禮直官任使庶皆知勸咸切奉公如有能雪冤疑則別議超擢苟舞弄文法必舉憲章明懸黜

陟之科貴益公忠之懇御史臺每月支錢三百貫充曹司人力紙筆糧課其大理寺先支錢二十貫文與臺中此類全少刑部一司則未曾支給宜於兩班罰錢及三京諸道贓罰錢內每月支錢一百貫文賜兩司其刑部官吏人力不多兼使紙筆較少宜於所賜一百貫內三分支與一分

十月將作丞襲封介國公宇文頡奏蒙恩襲封除官無襲爵俸給詔時給本官俸

三年五月樞密使范延光等奏諸道指揮使月俸未有定制請大藩鎮都指揮使月賜料錢三十貫糧二

十石春衣十五匹冬衣二十五匹其餘藩府約此爲等第從之

七月范延光奏侍衛親軍都指揮與小指揮每月料錢春冬衣賜元一例支給無等差并併省軍都自捧聖嚴衛粗羽林已下逐府都指揮使新定名管禁兵五千人欲爲等第每月添支料錢各三十千糧十五石衙官糧十分從之

四年七月辛丑以親直指揮使王敬遷領高州刺史奉化左廂都指揮使烏敬千領漳州刺史神武右廂都指揮使安彥珣領融州刺史神武右廂都指揮使李彥超領邠州刺史內直都指揮使薛懷德領巒州刺史將輟賞功遙領郡牧而以郡之高下給刺史俸料故也

九月范延光奏隔在兩川兵士家口自來支給衣糧今緣國計不克欲權停支給帝曰彼非願留因事睽阻父子似離非人情也不可頓絕支給其間願歸鄉貫者從之如有子弟許繼其父兄本軍名糧如無鄉里可歸無子弟承繼且糧支一半以是曉喻其家愍帝以長興四年卽位十一月前邠州軍事判官張東周獻封事判官及長史司馬無料錢處請權停榘

曹一員以本官料錢支給從之

末帝清泰元年七月詔洋王從璋涇王從敏月各給

俸錢一十萬米麥各五十石僉三十人衣糧馬十五

匹芻粟

二王自方鎮入朝自是留守洛陽

晉高祖天福二年十月詳定院奏前隰州蒲縣令竇

溫顏進策一十一件可行者有二其一曰伏見所在

縣今有差配百姓紙筆及課錢戶者朝廷付以宰字

貴要撫綏支給料錢合專慎守逐日紙筆之用所費

不多隨處等力之召皆有定數多是擅放甚為貪污

時望降以嚴條除其宿弊伏慮州縣官逐月所給正

俸皆無見錢使府給配之時皆是虛頭計算伏請州

縣官所給料錢雜物准折一依逐處時估者臣等參

詳凡關課戶皆是強名縣宰將治凋疲不合別生差

配據茲條件請賜改更所給料錢難議條理勅旨宜

並施行

六年二月甲午詔諸衛上將軍月增俸錢二萬

少帝天福八年二月權知開封府事邊蔚逐月支錢

七十貫米五石麵十石僉人十人日食十匹馬草料

別支公用米二十石麵五十石羊二十口每年麵三

十斤錢四百貫

漢少帝乾祐三年七月勅節文諸道州府令祿判司
主簿宜並等第支與俸戶每月納錢五百文與除二
稅外免放雜差遣不得更種職田所定俸戶於中等
無色役人戶內差置不得令當直及赴衙叅如有闕
額及不達明申州府差填不得裏私替換若是令錄
判司主簿除本分人數外剩占一人俸戶及今當直
手力更納課錢並許百姓陳告事若不虛其陳告人
與免戶下諸雜差徭所犯人追毀告身配遞力役如
令佐錄事矣軍內有員闕州府差攝亦依例支與俸
錢其差攝曹官不得援例供破內三千以上縣令逐

月一十貫文主簿六貫文一千戶已上至三千戶縣
令八貫文主簿五貫文一千戶以下縣令六貫文主
簿四貫文錄事叅軍判司依本部內戶口取最多縣
分例支破其錄事叅軍依縣令例判司即依主簿例
周太祖廣順元年四月勅牧守之任委遇非輕分憂
之務既同制祿之數宜等自前者富庶之郡請給則
優或邊遠之州俸料素薄以至遷除之際擬議亦難
既論資叙之高低又患祿秩之昇降所宜分多益寡
均利同恩莫無黨偏以勸勳効今重定則例者州防
禦使料錢二百貫祿粟百石食鹽五石馬十匹草粟

元隨三十人衣糧團練使料錢一百五十貫祿粟七十石食鹽五石馬十匹草粟元隨三十人衣糧刺史料錢一百貫祿粟五十石食鹽五石馬五匹草粟元隨二十人衣糧仍取今年五月一日後到任者依新定例支其已前在任者所請如故

世宗顯德三年十二月謂侍臣曰文武百寮所請俸給支遣之時非唯後於諸軍抑亦又多折估豈均養之理邪如其有過朕不敢私責重俸薄甚無謂也此後並宜支與實錢

五年十二月中書奏諸道州府縣官及軍事判官一

例逐月各遞逐處主戶等第依下項例別定料錢及米麥等取顯德六年三月一日後起支其俸戶並停廢一萬戶已上縣縣令逐月料錢二十貫米麥共五石主簿料錢一十二貫米麥共三石七千戶已上縣縣令每月料錢一十八貫米麥共五石主簿料錢一十貫米麥共三石五千戶已上縣縣令逐月料錢一十五貫米麥共四石主簿料錢八貫米麥共三石三千戶已上縣縣令逐月料錢一十二貫米麥共四石主簿料錢七貫文米麥共二石不滿三千戶縣縣令逐月料錢一十貫米麥共三石主簿料錢六貫米麥

共二石五萬戶已上州司錄錄事叅軍及兩京司錄
每月料錢二十貫米麥共五石司戶司法每月料錢
一十貫米麥共三石三萬戶已上州司錄錄事叅軍
每月料錢一十八貫米麥共五石司戶司法料錢八
貫米麥共三石一萬戶已上州司錄錄事叅軍每月
料錢一十五貫米麥共四石司戶司法每月料錢七
貫米麥共三石五千戶已上州司錄錄事叅軍每月
料錢十二貫米麥共四石司戶司法每月料錢六貫
米麥共二石不滿五千戶州錄事叅軍每月料錢一
十貫米麥共三石司戶司法每月料錢五貫米麥共

二石諸州軍事判官一例每月料錢一十貫米麥共
二石其諸州府京百司內諸司州縣官課戶莊戶俸
戶柴炭紙筆戶等望令本州及簡田使臣依前項指
揮勸歸州縣候施行畢具戶數聞奏仍差本判官精
細點簡如他後差使臣點簡及有人論訴稱其漏落
祗罪在本判官及行繫官典如今後更有人戶願充
此等戶者便仰本州勸充軍戶配本州牢城執役從
之
六年十二月詔諸道州府攝官起今後支給本官所
請俸錢之半

斯亦足食之奇策愛民之深旨也厥後作法於貪流
 風益蠹乃有貯之別庫入於私門寢以成弊莫之能
 救還於蠲課役之戶度釋老之徒條制彌煩驅役不
 已政典益壞俗化彌薄仲尼曰惟名與器不可以假
 人固在上者之所慎自非因時救急不得已者非可
 擬議焉

秦始皇四年十月庚寅蝗蟲從東方蔽天天下瘦百
 姓內粟千石拜爵一級

漢惠帝元年十二月詔民有罪得買爵三十級以免

死罪

謂人出買爵之錢以贖罪一級直錢二千凡為六萬若令贖罪人三十匹纒矣

六年十月令民得買爵

文帝後六年四月詔民得買爵時中大夫鼂錯說帝

曰聖王在上而民不凍餒者非能耕而食之織而衣

之也為開其資財之道也故堯禹有九年之水湯有

七年之旱而國亡捐瘠者

捐謂民有餓相棄捐者瘠庚病也言無相棄捐而度

度以畜積多而備先具也今海內為一土地人民之

衆不避湯禹加以亡天災數年之水旱而畜積未及

者何也地有遺利民有餘力生穀之士未盡墾山澤

之利未盡出也游食之民未盡歸農也民貧則姦邪

生貧生於不足不足生於不農不農則不地著不地

著則離鄉輕家民如鳥獸雖有高城深池嚴法重刑

猶不能禁也夫寒之於衣不待輕暖風霜不求靡麗也饑之

於食不待其旨旨美也饑寒至身不顧廉恥人情一日

不再食則饑終歲不製衣則寒夫腹饑不得食膚寒

不得衣雖慈父不能保其子君安能以有其民哉明

主知其然也故務民於農桑薄賦斂廣蓄積以實笮

廩備水旱故民可得而有也民者在上所以收之趨

利如水走下四方亡擇也夫珠玉金錢饑不可食寒

不可衣然而衆貴之者以上用之故也其爲物輕微

易盡在於把握可以周海內而亡饑寒之患周謂周編而游

此令臣輕背其主而民易去其鄉盜賊有所勸亡

逃者得輕資也粟米布帛生於地長於時聚於力非

可一日成也數石之重中人弗勝中人者處強弱之中也不爲

姦邪所利一日弗得而饑寒至是故明君貴五穀而

賤金玉今農夫五口之家其服役者不下二人服事也給

公事之役也其能耕者不過百畝百畝之收不過百石春

耕夏耘秋穫冬藏伐薪樵治官府給繇役春不得避

風塵夏不得避暑熱秋不得避陰雨冬不得避寒凍

四時之間亡日休息又私自送往迎來弔死問疾養

孤長幼在其中勤苦如此尚復被水旱之災急政暴

虐賦歛不時朝令而暮改當其有者半買而賣本直千錢

者止得五百也亡者取倍稱之息取一償二為倍稱舉稱也今俗所謂舉錢者也於

是有賣田宅鬻子孫以償債者矣而商賈大者積貯

倍息小者坐列販賣行賣曰商坐販曰賈列販若市中賣物行也操其奇

贏日游都市奇贏謂有餘財蓄聚奇異之物也一說殘餘長也乘上之急所

賣必倍上所急求其償倍貴故其男不耕耘女不蠶織衣必文

采食必梁肉梁好粟也亡農夫之苦有什伯之得什謂千錢伯謂百錢

伯錢也今俗猶謂百錢為一百因其富厚交通王侯力過吏執以利

相傾千里游遨冠蓋相望乘堅策肥履絲曳編乘堅謂好車也編飾素也

縑之精白者也此商人所以流亡者也今法律賤商

人商人已富貴矣尊農夫農夫已貧賤矣故俗之所

貴主之所賤也吏之所卑法之所尊也上下相反好

惡乖迕迕違也而欲國富法立不可得也方今之務莫

若使民務農而已矣欲民務農在於貴粟貴粟之道

在於使民以粟為賞罰今募天下入粟縣官得以拜

爵得以除罪如此富民有爵農民有所滌滌散也夫能

人粟以受爵皆有餘者也取於有餘以供上用則貧

民之賦可損損減也所謂損有餘補不足令出而民利

者也順於民心所補者三一日主用足二日民賦少

三日勸農功令民有車騎馬一匹者復卒三人復三卒之

四

籌錢也或曰除三夫不作甲卒也又曰車騎者天下

武備也故為復卒神農之教日有石城十仞八尺日

申臂之湯池百步池城邊池也以沸湯為池帶甲百

萬而亡粟弗能守也以是觀之粟者王者大用政之

本務令民入粟受爵至五大夫以上乃復一人耳五

夫第九此其與騎馬之功相去遠矣爵者上之所擅

出於口而亡窮也粟者民之所種生於地而不乏

夫得高爵與免罪人之所甚欲也使天下人入粟於

邊以受爵免罪不過三歲塞下之粟必多矣於是文

帝從錯之言令民入粟於邊三百石爵上造上造第

也稍增至四千石以五大夫萬二千石為大庶長大

長第十八各以多少級數為差景帝時上郡以西旱

復修賣爵令而裁其賈以招民裁謂減及徒復作得

輸粟於縣官以除罪時司馬相如

武帝時事邊府庫並虛乃募民能入奴婢先為郎者

增秩及入半者為郎庶人入婢奴則復終身先為郎

復終身多者得為郎者就增其秩也一日奴婢少者

舊舍郎更增秩也後衛青比歲十餘萬衆擊胡

也頻歲斬捕首虜之士受賜黃金二十餘萬斤而漢軍

士馬死者十餘萬兵甲轉漕之費不與焉於是大司

農陳賦錢經用賦稅既竭不足以奉戰士陳謂列奏

既書也言常用之 有司請令民得買爵及贖禁故免

減罪請置賞官名曰武功爵 茂陵中書有武爵一級日造士二級日閑輿衛

三級日良士四級日元戎士五級日官首六級日乘

鐔七級日千夫八級日樂卿九級日執戎十級日政

疾庶長十一級日軍衛此 級十七萬凡直三十餘萬

武帝所制以寵軍功也 金諸買武功爵官首者使補吏先除千夫如五大夫

五大夫舊二十等爵之第九級也至此以下始免徭

役故每先選以為吏千夫者武功十一等爵之第七

也亦得免役今則先除 其有罪又減二等爵皆至樂

為吏比於五大夫也 卿 樂卿者武功爵第八等也 臣顯軍功軍功多用超

等大者封侯卿大夫小者郎吏道雜而多端則官職

耗廢於是以前東郭咸陽孔愷為大農丞 姓東郭名咸

陽並孔愷二

人咸陽齊之大鬻監孔愷南陽大冶皆致產累千金

也 是時豪富皆匿財唯卜式數求入財以助縣官天子

乃超拜式為中郎賜爵左庶長田十頃布告天下以

風百姓其後桑弘羊為大司農中丞管設會計事始

令吏得入穀補官郎至六百石 吏遷補高官郎又就

增其秩得至六百石 也 近臣所忠言世家子弟富人或鬪鷄走狗弋獵博

戲亂齊民 所姓忠 乃徵諸犯令相引數千人名曰株

送徒入財者得補郎即選衰矣 諸坐博戲事史為徒

者能入錢得補郎或

日被引者為其根株所送當充 時江充為直指繡衣

徒役而能入財者即當補郎 使者督三輔盜賊禁察踰後貴戚近臣多屠僭充皆

六

舉刻奏請沒入車馬令身待北軍擊匈奴令貴戚身待於北軍

也奏可充即移書光祿勳中黃門逮召近臣侍中諸

當詣北軍者移劾門衛禁止無令得出入宮殿於是

貴戚子弟惶恐皆見帝叩頭求哀願得入錢贖罪帝

許之令各以秩次輸錢北軍凡數千萬

大漢三年九月令死罪入贖錢五十萬減死一等

大始二年秋旱九月募死罪人贖錢五十萬減死一

等黃霸字次公淮陽陽夏人以豪傑役使徒雲陵身為

而役鄉霸少學律令喜為吏喜謂愛武帝末以待詔

入錢賞官補侍郎謁者因人錢而坐同產有過劫免

同產謂兄弟也後復入穀沈黎郡補左馮翊二百石卒史

郡得仕門它黎人而卒史馮翊以勦入財為官不署

獨二百日所謂充異者右職輕其為人也使領郡錢穀計計謂出入之數

章帝地節三年西羌反遣後將軍征之京兆尹張敞

上書言國兵在外軍以夏發隴西以北安定以西吏

民並給轉輸田事頗廢素無餘積雖羌虜以破來春

民食必乏窮辟之處買亡所得縣官穀度不足以振

之願令諸有罪非盜受財殺人及犯法不得赦者皆

以差入穀此入郡贖罪差次也入郡即隴西以北安定以西務益致穀

以豫備百姓之急事下有司左馮翊蕭望之與少府李彊議以為民函陰陽之氣有仁義欲利之心在教化之所助堯在上不能去民欲利之心而能令其好義之心而利不勝其好義也雖禁在上不能去民好義之心而已道民不可不慎也今欲令民量粟以贖罪如此則富者得生貧者獨死是貧富異刑而法不一也人情貧窮父兄囚執聞出財得以生活為人子弟者將不顧死之患敗亂之行以赴財利求救親戚一人得生十人以喪如此伯夷之行壞公禘之名公禘魯大

夫孟公綽也論語稱孔子曰若藏武仲之智公綽之不欲下莊子之勇冉求之藝文之以禮樂可以為成人政教一傾雖有周召之佐恐不能復古者藏于民

不足則取有餘則與詩曰爰及於人哀此鰥寡小雅鴻鴈

之詩也於人可哀於之人謂貧弱者也上惠下也又

言王者惠澤下及哀矜之人以至鰥寡

日爾我公田遂及我私小雅大田之詩也言庶衆喜于時雨先潤公田又及私田

是則其心先公後私下急上也今我西邊之役民失作業雖戶

賦口斂以贍其困乏率戶而賦計口而斂也古之通義百姓莫

以為非以死救生恐未可也子弟竭死以救父兄令其生也陛下布

德施政教化既成堯舜亡以加之今議開利路以傷既成之化臣竊痛之於是天子復下其議兩府丞相

御史以難問張敞敞日少府左馮翊所言嘗人之所
 守耳昔先帝征四夷兵行三十餘年百姓猶不加賦
 而軍用給今羗虜一隅小夷跳梁於山谷間漢但令
 羣人出財滅罪以誅之其名賢於煩擾良民橫興賦
 歛也又諸盜及殺人犯不道者百姓所疾苦也皆不
 得贖首匿見知縱所不當得為之屬議者或頗言其
 法可蠲除以其罪輕而法重故常欲除此科條今因此令贖其便明甚
 何化之所亂甫刑之罰小過赦薄罪贖呂侯為周穆王可免作贖
 刑之法謂之呂刑後改有金選之品金銖兩名也字
 為甫侯故又稱內刑也本銖兩名也字
 也其重十一銖二十五分銖之十三一日重六兩呂
 刑曰墨辟疑赦其罰百銖劓辟疑赦其罰惟倍刑辟

贖赦其罰倍差官辟疑赦其罰六百所從來久矣何
 贖大辟疑赦其罰千銖是其品也雖有五時服至嘗開

贖之所生儆備皂衣二十餘年朝皆着皂衣嘗聞

罪人贖矣未聞盜賊起也竊憐涼州被寇方秋饒時

民尚有饑乏病死於道路况至來春將大困乎不早

慮所以振救之策而引嘗經以難恐為後重責嘗人

可與守經未可與權也敞幸得備列卿以輔兩府為

職不敢不盡愚望之疆復對日先帝聖德賢良在位

作憲垂法為無窮之規永惟邊境之不贍惟思故金

布令甲日金布者令篇名也其上府庫金錢布帛

邊郡數被其離饑寒離遭天絕天年父子相失令天

下共給其費

同共給之也自此以一文甲之

故為軍旅卒暴之事

也

言此令文專為軍旅卒暴而施設

聞天漢四年嘗使死罪人入五

十萬錢減死罪一等豪強吏民請奪假二至為盜賊

以贖罪其後姦邪橫暴群盜並起至攻城邑殺郡守

充滿山谷吏不能禁明詔遣繡衣使者以興兵擊之

軍興之法也

誅者過半然後衰止愚以為此使死罪贖之

敗也故曰不便時丞相魏相御史大夫丙吉亦以為

羗虜且破轉輸略足相給遂不施敞議

成帝鴻嘉三年四月赦天下令吏民得買爵賈級千

錢

永始二年詔曰關東比歲不登吏民以義收食貧民

入穀物助縣官賑贍者已賜直

收食貧人謂收而養食之助縣官賑贍

謂出物以助郡之官也已賜直謂官賜其所費直也令方更入爵及免賦耳食讀曰飲

其百萬

以上加賜爵右更

第十四爵也

欲為吏補三百石其

吏也遷二等

先以為吏則遷二等

二十萬以上賜爵五大夫

第九

也晉吏亦遷二等民補郎十萬以上家無出租賦三歲

萬錢以上一年

平帝元始元年六月詔天下徒已論歸家顧出錢月

二百

謂女徒論罪已定並放歸家不親役之但令一月出錢三百以顧人

王莽時雒陽張長叔薛子仲皆亦十千萬莽皆以為

納言士欲法武帝然不能得其利

法武帝者言用卜式東郭咸陽孔僅

等為官也

後漢明帝以中元二年二月即位十二月甲寅詔天

下亡命殊死以下聽得贖論死罪人縑二十匹右趾

至髡鉗城旦春十匹

右趾謂刑其右足次則左足次

者晝日司寇虜夜暮築長城春者婦人犯罪不任軍役之事但令春以食徒者

完城旦春至

司寇作三匹

完者謂不加髡鉗而築城也次

其未發

覺詔書到先自告者半入贖

永平十五年二月辛丑詔亡命自殊死以下贖死罪

縑四十匹右趾至髡鉗城旦春十匹完城旦至司寇

五匹犯罪未發覺詔書到日自告者半入贖

十八年三月丁亥詔日其令天下亡命自殊死已下

贖死罪縑三十匹右趾至髡鉗城旦春十匹完城至

司寇五匹吏人犯罪未發覺詔書到日自告者半入

贖

章帝建初七年九月辛卯詔贖死罪入縑二十四匹右

趾至髡鉗城旦春十匹完城旦至司寇三匹吏人有

罪未發覺詔書到日自告者半入贖

元和元年八月癸酉詔亡命者贖各有差

章和元年九月壬子詔亡命者贖死罪縑二十四匹右

趾至髡鉗城旦春七匹完城旦至司寇三匹吏民犯罪未發覺詔書到日告者半入贖

和帝永元三年正月甲子皇帝加元服郡國中都官繫囚死罪贖縑至司寇及亡命各有差

八年八月辛酉詔自死罪已下至司寇及亡命者入贖各有差

安帝永初元年九月丙戌詔死罪以下及亡命者贖各有差

二年四月丙寅三公以國用不足奏令吏人入錢穀得為關內侯虎賁羽郎五大夫官府吏緹騎營士各

有差

元初二年十月詔郡國中都官繫囚減死一等勿答詣馮翊扶風屯妻子自隨占著所在女子勿輸亡命死罪以下贖各有差其吏人聚為盜賊有悔過者除其罪

延光三年九月乙巳詔郡國中都官死罪繫囚減罪一等詔燉煌隴西及度遼營其右趾以下及亡命者贖各有差

順帝永建元年十月詔減死罪以下徙邊其亡命贖各有差

永和五年五月丁丑令死罪以下及亡命者贖各有差

漢安二年十月辛丑令郡國中都官繫囚殊死以下出繚贖各有差其不能入贖者遣詣臨羨縣君作二

歲

桓帝建和三年八月庚寅詔死罪以下及亡命者贖各有差

延熹四年七月占賣關內侯虎賁羽林緹騎營士五大夫錢各有差

靈帝建寧元年十月甲辰令天下繫囚罪未決入繚

贖各有差

熹平三年十月癸丑令天下繫囚罪未決入繚贖

四年十月丁巳令天下繫囚罪未決入繚贖

光和元年初開西邸賣官自關內侯虎賁羽林入錢

各有差

山陽公載記曰時賣官二千五百萬四百石四百萬其以德次應選者半之或三分之

一千西園立私令在左賣公卿公千萬卿五百萬是

時太尉段紀明樊陵司空張溫等雖有功勤名譽然

皆入錢上千萬下五百萬以買三公先輸貨財而後

登公位崔烈名重北州歷位郡守九卿因傳母入錢

五百萬得為司徒及拜日天子臨軒百僚畢會帝顧

謂親倖者曰悔不小靳可至千萬靳顧程夫人于傍

應日崔公冀州名士豈肯買官賴我得是反不知姝

邪姝美也烈于是聲譽衰減曹嵩以貨得拜大司農大

鴻臚代崔烈為太尉

三年八月令繫囚罪未決入縲贖各有差

五年七月癸酉令繫囚罪未決入縲贖

中平四年九月丁酉令天下繫囚罪未決入縲贖是

歲賣關內侯假金印紫綬傳世入錢五百萬

晉武帝嘗南郊禮畢問司隸較尉劉毅曰卿以吾可

方漢何主也對曰桓靈之主帝曰吾雖德不及古人

猶克已為理南平吳會一同天下方之桓靈不亦甚

乎對曰桓靈賣官錢入官庫陛下賣官錢入私門以

此言之乃不知也

後趙石季龍下書令刑贖之家得以錢代財帛無錢

聽以穀麥皆隨時價輸水次倉

宋前廢帝時軍旅大起國用不足募民上米二百斛

錢五萬雜穀五百斛同賜荒縣除上米三百斛錢入

萬雜穀千斛同賜五品正令史滿報若欲署四品在

家亦聽上米四百斛錢十二萬雜穀一千三百石同

賜四品令史滿報若欲署三品在家亦聽上米五百

斛錢十五萬雜穀一千五百斛同賜三品令史蒲報
若欲署內監在家亦聽上米七百斛錢二十萬穀二
十斛同賜荒郡除若欲署諸王國三令在家亦聽
後魏孝明帝初任城王澄奏都城府寺猶未周悉今
軍旅初寧無宜發衆請取諸職人及司州郡犯十杖
已上百姓鞭已下收贖之物絹一匹輪博二百以漸
脩造詔從之太傅清河王懌表奏其事遂寢不行
孝莊帝初承喪亂之後倉廩虛罄遂班入粟之制輸
粟八千石賞散侯六千石散伯四千石散子三千石
散男職人輸七百石賞一大階授以實官白民輸五

百石聽依第出身一千石加一大階無第者輸五百
石聽九品出身一千石加一大階諸沙門有輸粟四
千石入京倉者授本州統若無本州者授大州都統
若不入京倉入外郡倉者三千石畿郡都統依州格
若輸五百石入京倉者授本郡維那其無本郡者授
以外郡粟入外州郡倉者七百石入京倉者三百石
授縣維那

永安三年二月詔曰關隴遭罹寇難燕趙賊逆馮陵
蒼生波流耕農靡業加諸轉運勞役已甚州倉儲實
無且懸匱自非開輸賞之格何以息漕運之煩凡有

能輸粟入瀛定岐雍四州者官斗二百斛賞一階入
二華州者五百石賞一階不限多少粟畢授官

唐肅宗至德元年九月以軍典事殷國用不足詔權
賣官及爵度僧尼節級納錢時裴冕爲相不識大體
以聚人日財乃下令賣官鬻爵度僧尼道士以儲積
爲務人不願者科令就之其價益賤事轉爲弊

二年七月宣諭使侍御史鄭叔清奏承前諸使下召
納錢物多給空名告身雖假以官賞其忠義猶未盡
才能今皆量文武才藝兼情願穩便據條格擬同申
奏聞便寫告身諸道士女道士僧尼如納錢請准勅

迴授餘人并情願還俗授官勲邑號等亦聽如無人
迴授及不願還俗者准法不合畜奴婢田宅資財既
助國納錢不可更拘賞格其所有資財能率十分納
三分助國餘七分並任終身自蔭身歿之後亦任迴
與近親又准勅納錢百千文與明經出身如曾受業
粗通帖策修身慎行鄉曲所知者量減二十千文如
先經舉送到省落第灼然有憑帖策不甚寥落者減
五十千文若粗識文字者准元勅處分如未曾讀學
不識文字者加三十千應授職事官并勲階邑號贈
官等有合蔭子孫者如戶內兼蔭丁中三人以上免

課役者加百千文每加一丁中累加三千文其商賈
准令所在收稅如能據所有資財十分納四助軍者
便與終身優復如於勅條外有悉以家產助國嘉其
竭誠待以非次先出身及官資並量資歷好惡各據
本條格例節級優加擬授如七十已上情願致仕官
者每色內量十分減二分錢時屬幽寇內侮天下多
虞軍用不充權爲此制尋即停罷

德宗貞元四年正月制軍州官吏寄客能務農業入
粟助邊量其多少酬以官秩

憲宗元和十二年七月詔曰入粟助邊古今通制如
開定州側近秋稼多登屬以軍府虛貧未任收糶將
設權宜之制以成儲畜之資念切救人不同嘗例有
人能于定州納粟五百石放同承優出身仍減三選
聽集納粟一千石者使授解褐官有官者依資授官
納粟二千石者超兩資授官如先有出身及官情願
減選者每納三百石以減一選

後唐莊宗同光三年閏十二月吏部尚書李琪上疏
曰臣伏思漢文帝時欲人務農乃募人入粟得拜爵
及贖罪景帝亦如之後漢安帝時水旱不定三公奏
請富人入粟得封關內侯及公卿已下散官本朝乾

元中亦曾如此今陛下縱不欲入粟授官願降明勅
 下諸道合差百姓轉般之有能出力運官物到京者
 五百石已上白身授一初任州縣官有官者依資遷
 授欠選者便與放選千石已上至萬石者不拘文武
 顯示賞酬免令方春農人流散此亦轉倉贍軍之一
 術也勅李琪所論召募轉倉斛斗與官行賞委租庸
 司下諸州府有應募者聞奏施行

册府元龜

册府元龜

淮南李開京參閱

西極文翔鳳訂正

豫章黃國琦載釋

邦計部

重歛

希旨

交結

重歛

古者賦有藝而歛有時故財不匱而人不怨蓋事舉
 其中取之以道也傳曰作法于涼其弊猶貪其或用
 度靡節事役滋煩始以邊鄙之聳加以軍旅之動故

取之過籍率其倍征有餘則謂之豐財不足則因而變法乃至行誅求之政侵削于下畜括克之臣聚斂為務上有罷民之失下有浚我之歎雖經費之暫足亦糜弊之實多儻或事貴從權舉非獲已迫于用度人如之何雖出于一時亦致遠恐泥然而射利無厭殘民以逞借曰無害人不信也夫子所謂鳴鼓而攻之者其有旨哉

夏桀率遏衆力率割夏邑

言桀君臣相率為勞役之事以絕衆力謂廢農功相

率割剝夏之邑居征賦重也

商紂都河內朝歌厚賦稅以實鹿臺之錢

鹿臺臺名今在朝歌

城中又紂重賦傷民斂聚怨讐之道

魏侯時

詩不載侯之謚

國人刺其君重斂蠶食于民不修其

政貪而畏人若太鼠故作石鼠之詩云

魯宣公十五年稅畝非禮也穀出不過籍

周法民耕百畝

公田十畝借民力而稅不過此以豐財也

成公元年三月作丘甲

周禮九夫為井四井為邑四邑為丘丘十六井出戎馬一

匹牛三頭四丘為甸六十四井出長轂一乘戎馬四匹牛十二頭甲士三人步卒七十二人此甸所賦令

魯使丘出之譏重斂也

昭公四年鄭子產作丘賦

丘十六井當出馬一匹牛三頭今子產別賦其田如

魯之田賦國人謗之曰其父死于路謂子日為已為蠶尾

謂子產重賦 毒害百姓 以令于國國將若之何

哀公十二年春用田賦 直書之者以 示改去重斂 哀公問於右若

曰年饑用不足如之何有若對曰盍徹乎 盍何不也 周法十一

而稅謂之徹徹通也為天下之通法 曰二吾猶不足如之何其徹也 十一

而稅

秦始皇時內興功作外攘夷狄收秦半之賦 三分取其二

男子力耕不足糧饌 古鈞反 女子紡績不足衣服竭天

下之資財以奉其政猶未足以澹其欲 澹古瞻字 海內愁

怨遂用潰畔 下逃其上曰潰 又云秦為亂政頭會箕歛 家一頭數

出穀以箕 歛之也 以供軍費財匱力盡

漢武帝元狩四年縣官衣食振業用度不足請收銀

錫造白金及皮幣以足用是時禁苑有白鹿而少府

多銀錫乃以白鹿皮方尺緣以繒 繒繡也繪五采而為之 為皮

幣直四十萬王侯宗室朝覲聘享必以皮幣薦璧然

後得行又造銀錫白金 雜鑄銀錫為白金 以為天用莫如龍

地用莫如馬人用莫如龜故白金三品其一曰重八

兩圓之其文龍名曰撰直三千二曰次重差小方之

其文馬直五百 以平半斤之重差為三品此重六兩則下品重四兩也 三日復

小橢之其文龜直三百 橢圓而長也 晉他果切 先是匈奴渾邪

等降漢大興兵伐匈奴山東水旱貧民流徙皆叩給

縣官印音斗縣官空虛御史大夫張湯承上指請造

白金及五銖錢籠天下鹽鐵籠羅其事皆排富商大

賈出告緡令鉏豪強并兼之家舞文巧詆以鋪法又

大農丞孔僮東郭咸陽言異時美輶車賈人之緡貴

錢有差小異時言往時也輶小車也緡謂淺請等如

故諸賈人未作賈貨賣買居邑貯積諸物貫除也貨

音式制切貨及商以取利者雖無市籍各以其物自

占音士載切為各簿送之於官也音之瞻切率緡錢四千而

美一率計有二十錢諸作直植及鑄以手力所作率

緡錢四千等一非吏比者三老北邊騎士輶車一美

此例也身非為吏之例非老非為邊騎商賈人輶車

士而有輶車皆令出一等比音必親切船長五丈以上一等匿不

二美商賈人有輶車人使船長五丈以上一等匿不

自占不悉戍邊一歲沒入緡錢悉盡有能告者以其

半界之

元鼎五年九月列侯坐獻黃金耐祭宗廟不如法奪

爵者百六人

六年十式為御史大夫式既在位見郡國多不便縣

官作鹽鐵器苦惡賈貴或強令民買之而船有美商

者少物貴乃因孔僮言船等事上不說漢連出兵三

歲誅羗滅兩粵番禺以西至蜀南者置初郡十七元

六年定越地以為南海蒼梧鬱林合浦交趾九真日南珠崖儋耳郡定西南夷以為武節將越雋門沈黎文山郡及地理志西南夷傳所置犍為零陵益州郡凡十七

且以其故俗治賦稅南陽漢中以往各以地比給初郡吏卒奉食幣物傳

車馬被具地比謂仁其次第自近及遠比音而初郡頻寐切傳音張阮切被音史義切

又時小反殺吏漢發南方吏卒往誅之間歲萬餘人

間歲隔一歲費仰大農大農以均輸調鹽鐵助賦故能澹

之然兵所過縣縣以為貲給母乏而已不敢言輕賦法矣

宣帝五鳳四年耿壽昌為大司農中丞上言增海租

二倍天子皆從其計御史大夫蕭望之奏言故御史

屬徐官御史大夫屬家在東萊言往年加海租魚不出長

老皆言武帝時縣官嘗自漁海魚不出後復予民魚

乃出夫陰陽之感物類相應萬事盡然

王莽天鳳六年一切稅天下吏民貲三十取一繚帛

皆輸長安

後漢順帝永和六年七月甲午詔假民有貲者戶錢

一千

靈帝中平二年南宮災宦者張讓趙忠等說帝令歛

天下田畝稅十錢以修宮室發太原河東狄道諸村

木及文石每州郡部送至京師刺史二千石及茂才

冊府元龜 邦計部 卷之五十一 五

孝廉遷除皆責助軍修宮錢大郡至二三十萬餘各有差當之官者皆先至西園諧價然後得去諧謂平論定其也價有錢不畢者或至自殺其守清者乞不之官皆追遣之

晉孝武太元八年始增百姓稅米口五石

宋文帝元嘉中始興太守徐豁上表曰武更年滿十六便課米六十斛十五以下至十三皆課三十斛一戶內隨丁多少悉皆輸米且十三歲兒未堪田作或是單廵便自逃匿戶口歲減寔此之繇宜更量課限使得存立今若減其米課雖有交損考之將來理有

深益詔善之

孝武時齊庫上綿年調鉅萬疋綿亦稱此期限嚴峻民間買絹一疋至三三千綿一兩亦三四百貧者賣妻兒甚者或自縊死沈懷文具陳民困繇是綿絹薄有所減俄復舊

隨煬帝時東西遊幸靡有定居每以供費不給逆收數年之賦

唐代宗大曆末韓滉為戶部侍郎判度支苛剋頗甚覆治按牘勾剝深文人多咨怨德宗嗣位素惡滉培克改為大嘗卿群議未息又出為晉州刺史

德宗建中三年四月太嘗博士常都賓陳京建議以爲泉貨所聚在于富商錢出萬貫者請留其萬貫爲業有羨官借以給軍計天下不借一二千商人而國家數年之用足矣德宗從之許罷兵後以公錢還之仍令度支條上判度支杜佑以是時諸道軍用三月費錢百餘萬貫借商若獲五百萬貫可給數月矣乃詔京師大索輿盈五百萬貫京兆少尹常禎督責頗峻長安薛華荷拔乘車搜人財貨意其不實輒遺榜笞笞人不勝冤痛或有縊而死京師囂然如被盜賊統計田宅奴婢等估總餘八千萬貫又以僦櫃納質積錢貨貯粟麥等一切借其四分之一封其櫃窖長安爲之罷市百姓相率千萬衆邀宰相於道盧杞懼無以過乃疾馳他道而歸由是禎復奏市錢不足百貫粟麥不足五十斛者免僦櫃納質積所得與借商兼計總二百萬貫人亦竭矣

五月淮南節度使陳少遊請於本道兩稅錢每千增二百因詔佗道悉如淮南又推鹽每斗更加百文四年六月初稅間架除陌錢時馬燧李懷光李抱真李芘四節度之兵屯於魏縣判度支趙贊以軍須迫蹙嘗平利不時集乃請稅屋間架筭除陌錢間架法

凡屋兩架爲一間屋有貴賤約價三等上價間出錢二千中價一千下價五百所繇吏秉筆執筭入人廬舍而計其數衣冠士族或貧無他財獨守故業坐多出筭者動數千萬人不勝其苦凡沒一間者杖六十告者賞錢五十貫取於其家除陌法天下公私給與貨易率一貫舊筭二十一益加筭五十給與佗物或兩換者約錢爲率筭之市主人市牙各給印紙人有賣買隨自署記翌日合筭之有自貨易不用市牙者驗其私簿投狀自道其有隱錢百沒入二千杖六十告者賞錢十千出於其家法既行而主人市牙得專

其柄率多隱盜公家所入曾不得半而怨黷之聲囂然滿於天下

貞元八年四月劔南西川節度使韋臯請加稅十二以墉給官吏從之

五月初增稅京兆苗畝三錢以給掌閑彊騎

憲宗元和十一年王師討蔡州吳元濟是時州縣近淮西者行輸尤苦東畿供饋車常數千兩相錯于路每車駕三牛將卒有副所在霖潦汝潁汎溢饋車多阻其至者或不以時歸之于是東畿有以驢耕者十一年九月罷湖南觀察使韋貫之爲大子詹事仍

分司東都時軍用轉乏亟責諸道進獻貫之坐率管
內刺史錢助軍故有是命

十四年六月丁巳判度支皇甫鏞重奏諸道州府監
院每年送上都兩稅權酒鹽利旨支米價等足段加
估定數詔許之其先下州府監院連四月二十五日
勅牒更不在行用限鏞急於掎聚先是奏近年天下
所納鹽酒等利擡估者一切追行詔既可給事中崔
植抗論以爲用兵歲久百姓凋弊往者雖估踰其實
今固不可復追疏奏命宰臣召植宣旨嘉諭許輟已
行之詔物議大罪鏞而美植鏞懼至是乃文前過且

重條奏請申勅以示之及鏞作相剝下以希旨時李
渤爲庫部員外郎會陳許節度使郝士美卒令渤充
弔祭使路次陝西渤上疏曰臣自出使歷求利病竊
知渭南縣長源鄉本有四百戶今總四十餘戶闕鄉
縣本有三千戶今總有一千餘戶其他州縣大略相
似其弊所自起于攤逃大約十家內一家逃亡卽攤
賦稅使九家共出稅額長定有逃既攤似投石井中
不到底不止攤逃之弊戶不盡不休此皆聚歛之臣
兢剝下以奉上唯思竭澤不慮無魚伏乞詔書絕其
攤逃以見在戶家產錢數爲定其餘有欠且特恩免

之計不數年人必歸于農矣夫農者國之本本立然後可以議大平若不繇此而云已大平者是佞邪之臣也伏乞陛下察而逐之疏奏仍具狀申中書門下穆宗長慶元年六月知懷州河陽節度參謀兼監察御史韋珣奏論當州元和九年秋至十四年夏准旨額外加徵并節度使司見簡苗徵子及草等共計五百六十萬三千五百八十石東詔曰前刺史烏重裔等並位居守土職在牧人加稅縱綠軍須豈得不先聞奏遇赦雖當原宥亦合量有科徵烏重裔令狐楚魏義通等宜各罰有月俸料知州官釋放

敬宗寶歷元年七月鹽鐵使王播進羨餘絹一百萬疋仍請日進二萬計五十日方畢播自掌鹽鐵正入不克而羨進相次侵求聚斂迫于星火
文宗太和九年九月鹽鐵轉運使王涯奏請變江淮嶺南茶法并請加稅以贍邦計十月加宰臣王涯開府儀同三司兼諸道鹽鐵轉運推茶使初鄭注自謂有經濟之方帝問以安人富國之術無以對因請權茶漉知不可而不敢違及詔下商人計鬻茶之資不能當所摧之多復以江淮間百姓茶園官自造作量給其直分命使者主之江淮人什二三以茶爲業皆

公言曰果行是勅止有盡殺使人入山反耳

兵興以來山澤

江淮海權莞之利無遺逸矣利益歸于上困益

窘于下淮尚欲希恩加稅重用其法以窮其人

後漢末帝清泰元年詔禁軍鳳翔城下歸明帑藏無
貨財率城中士庶至於鬲釜之類亦估給及經雍華
陝率如鳳翔士民之家不勝其苦至京師三司調計
左藏金帛不過二三萬續內外貢奉計外少四十五
萬緡詔盧慎而下率配京城市民及舍屋計不過六
萬緡帝怒軍巡使下獄命供奉官丁昭溥史思溫爲
軍巡使晝夜督促囚繫滿獄貧民不濟有投井雉經
者而軍中揚揚于市四坊民聚訴云爾爲王征行勞

苦不羞見天子俾我輩鞭胸打背出賞錢莫氣緊揚
揚天眼會有開時也帝聞之不懌是夜李專美宿于
禁署讓之曰韓昭裔首鼠我不責辦鄉士人子弟嘗
言有才術今致我至此不能運度以濟時事留才術
何所施也專美惶恐待罪良久奏曰臣才力駑劣屬
當興運陛下猶垂錄任無以禪益聖朝然府藏空竭
軍賞不給非臣之罪也臣思先皇棄代之際是時府
庫濫賞已竭繼以鄂王臨朝紀綱大壞縱有無限之
財賦不能滿驕卒谿壑之心所以陛下孤立岐陽而
得天下臣以爲國之亡存不專在行賞須刑政立于

上恥格行於下賞當功罰當罪僅理道也若陛下不改覆車之轍以賞無賴之軍徒困蒸民存亡未可知也今宜以見收財富以給之不必踐前言而希苟悅帝然之故有是給數二十餘萬緡

漢少帝時王章爲簡較太尉同平章事判三司專於權利剥下過當歛怨歸上物論非之舊制秋夏苗租民輸一斛別輸二升謂之雀鼠耗乾布中輸一斛者別令輸二斗目之爲雀耗百姓苦之又官庫出納緡錢皆以八十爲陌至是民輸者如舊官給者以七十七陌田有訴田者雖無數十日章必命全州覆視幸

其虞有苗額以增邦賦曾未數年民力大困章與楊邠不喜儒士郡官所請月俸皆取不堪資軍者給之謂之間雜命物所司高估其價估定更添謂之擡估章亦不滿其意隨事更令添估章急於財賦峻於刑法民有犯鹽麩之令雖絲毫滴瀝盡處極刑吏緣爲姦民不堪命

希旨

禮曰寧蓄盜臣不蓄聚歛之臣以害其民也况復希意先指要寵固恩以克下爲忠以媚上爲德重筦推之禁增賦歛之規罔卹天災謬陳經據供億支費底

宣羨羸務竭民財以從主欲雖賜予蕃庶光寵隆極
蓋無取焉

唐宇文融玄宗開元中爲觀農使與楊慎矜父子以
勾剝財物爭行進物而致恩顧

王鉷天寶中爲戶口色役使以希旨事勾剝其務百
姓雖給復一年鉷卽徵其脚錢廣張其數玄宗在位
多載妃御承恩賞賜頗甚不欲煩於左右藏取之鉷
探旨意歲進錢百億萬貯於內庫以恣主恩賜資鉷
云此是嘗年額外物非征稅物帝以爲鉷有富國之
術利於王用益厚待之

楊國忠天寶中爲戶部侍郎判度支諂諛以利陰中
爲己之功玄宗幸左藏庫賜文武百官練帛有差暗
國忠徵夫丁租地稅皆變爲布帛用實京庫屢奏帑
藏充物有踰漢制帝是以觀焉又賤買天下義倉易
以布帛於左藏庫列造數百間屋以示羨餘請與公
卿就觀之又詐言鳳凰集於庫

第五琦肅宗乾元初爲度支鹽鐵使時京師多豪將
求取無節琦不能禁乃悉以租賦進入大盈內庫以
中人主之意天子以取給爲便故不復出

劉晏代宗大曆中爲東都江南江淮山南等道轉運

丹府元臺 希旨 卷之五十一
鹽鐵等使江淮茶楮晏與本道觀察使各歲貢之皆
欲其先至有土之官或封山斷道禁前發者晏厚以
財力致之嘗先佗司孫是不為藩鎮所使
裴延齡德宗貞元申為戶部侍郎判度支嘗因奏對
請積錢帛以實帑藏帝曰若為可得錢物延齡奏曰
開元天寶中天下戶僅千萬百司公務殷繁官員尚
或有缺自兵興已來戶口減耗大半令一官可兼領
數司伏請自今已後內外百司官闕未須補置收闕
官祿俸以實帑藏後因對事帝謂延齡曰朕所居浴
堂院殿一祇以多年之故似有損蠹欲換之未能對

曰宗廟事至重殿祇事至輕况陛下自有本分錢物
用之不竭帝曰本分錢何也對曰此是經義證據愚
儒管材不可能知陛下正合問臣惟臣知之准禮經
云天下賦稅當為三分一分充乾豆一分充賓客一
分充君之庖厨乾豆者供宗廟也今陛下奉宗廟至
敬至嚴至豐至厚亦不能用一分財物也只如鴻臚
禮賓諸蕃客至于迴紇馬價用一分錢物尚有贏羨
其多况陛下御膳官厨皆極簡儉所用外分賜百官
充俸料殮錢等猶未能盡據此而言庖厨者之餘其
數尚多皆陛下本分也用修數十殿亦不合疑慮何

况一祇帝日經義如此人揔不曾言之領之而已
李綺貞元未為鹽鐵轉運等使天下推酤漕運繇其
操制專事貢獻宰其寵渥

裴均為尚書左僕射判度支憲宗元和三年五月奏
請取荆南雜錢萬貫修尚書省許之均前鎮荆南自
言府庫饒羨因有是請時議非之

王播為刑部侍郎充諸道鹽鐵轉運等使元和十年
討淮西憲宗以饋餉為功播能積聚號為羨餘專有
貢獻帝頗顧遇超遷禮部尚書穆宗即位復進用播
刑部尚書充諸道鹽鐵等使長慶元年冬十月特拜

中書侍郎同中書門下平章事依前充使當長慶時
中外政權多所假借播本因權故得擢升大用及在
相府無所弼諸頗不厭公望居半歲以簡較右僕射
同平章事出為淮南節度仍領轉運鹽鐵如舊至淮
南遇歲旱有至骨肉相食者播方務聚斂貢獻人益
怒之四年四月罷鹽鐵轉運使以王涯代之來年復
以使務令播就淮南統之諫官大臣章疏迭上終不
能沮播關通之計當元和中兩河宿兵發運殆無虛
歲播掌財賦以希恩取媚特每歲送錢號為羨餘寶
曆元年十二月進羨餘綾絹五十萬疋又太和元年

五月己卯自淮南節度兼諸道鹽鐵轉運進綾絹三萬疋丙戌又進銀楹二百枚銀蓋椀一百枚散椀二千枚綾絹各二十萬疋並稱鹽鐵羨餘播自淮南入朝方圖大用故極其進獻仍偽以羨餘爲名九月播進玉帶十三條四年正月丁亥進羨餘綾絹二十萬疋皇甫鎛判度支元和十三年正月進錢二萬貫鹽鐵使程异進絹十萬疋並號羨餘
王遂爲光祿卿充供軍使元和十四年討鄆州李師道調兵食三百萬及賊平遂進羨餘一百萬緡是拜沂海等州觀察使

上涯爲諸道監鐵轉運使文宗大和四年四月庚戌進第九船羨餘綾絹一萬疋癸丑涯進第十船羨餘綾絹二萬疋十月壬涯進降誕綾絹羅錦絲等共一萬二千八百疋銀器一百事十二月戊寅涯進羨餘綾絹前後凡八百餘疋五年二月庚辰涯進羨餘疋畧進銀碗一千五百口丁酉涯進羨餘綾絹共十萬疋八月戊寅涯進羨餘絹二萬疋甲申涯進羨餘綾絹二萬疋九月辛丑涯進羨餘綾絹二萬疋六年六月涯進羨餘絹二十萬疋

王起判度支大和四年十月進綾絹夾纈雜絲等共

一萬四千三百疋御衣一副鏡一面諸方鎮稱是

交結

夫位司邦本職在均輸或請謁以求名或朋附而固寵妄交要路諂事中人總計失于成謀節均虧于適用利權莫舉經制靡脩信不可委以計會之任助于富庶之政也

唐元載肅宗元年為戶部侍郎度支并諸道轉運使與倖臣李輔國善輔國妻元氏載之諸宗因是相昵狎時輔國權傾海內舉無遺者會選京尹輔國乃以載兼京兆尹載意屬國柄訪輔國懇辭京兆尹輔國

識其意然之翌日拜同中書門下平章事度支轉運使如故

劉晏代宗寶應初為吏部尚書平章事領度支鹽鐵轉運租庸等使坐與中官程元振交通元振得罪晏罷相為太子賓客尋授御史大夫領東都河南江淮山南等道轉運租庸鹽鐵等使當時權勢或以親戚為託晏亦應之俸給之多少命官之遲速必如其志然未嘗得親職事
班宏德宗貞元中以為戶部尚書為宰相竇叅度支使之副每奉詔營建宏必極壯麗親程課役又厚結

權倖以傾叅知爲上所疎乃讓度支使遂以宏專判
李錡貞元中爲浙江西道都團練觀察及諸道鹽鐵
轉運等使具以天下權酷漕運繇其操割以故額有
驕恣專事貢獻牢其權寵中朝柄事者悉以利交之
程異貞元末爲虞部員外郎充鹽鐵轉運楊子留後
順宗卽位王叔文恃恩亂紀時之捷給見利者皆附
焉異在位中叔文敗出爲岳州刺史翌日又貶柳州
司馬

薛謩貞元末爲代北營田水運使善畜牧有良馬時
以賂朝權及中貴人時中官薛盈珍有勤力於元和
初謩以族人附進盈珍頗延譽以助之故自泗洲刺
史遷福建觀察使

張平叔穆宗長慶中爲戶部侍郎判度支平叔險狡
大言因王播以進既掌財用嘗屈公利以使私嬖倖
多狎之

王播長慶末爲淮南節度諸道鹽鐵轉運等使敬宗
卽位罷鹽鐵轉運使時中尉王守澄用事播自落利
權廣求珍異令腹心吏內結守澄以爲之助守澄乘
間啓奏言播有才上於延英言之諫議大夫獨狐郎
張仲方起居郎孔敏行柳公權宋申錫補闕常仁實

劉敦儒拾遺李景讓薛延老等請開延英面奏播之
 姦邪交結寵幸復求大用天子冲幼不能用言自是
 物議紛然不息明年正月播復領鹽鐵轉運使播既
 得舊職乃銅鹽之內巧為賦歛以事月進各為羨餘
 其實正額務希獎擢不恤人言
 王涯文宗太和末為司空領鹽鐵轉運使江南權茶
 使涯與判度支王播交結中尉王守澄請託中納材
 本至開成元年正月勅度支自此不得收貯材木如
 或宣索即以其直市供諸色作料亦如之先是度支
 奏舊管右神策軍及諸色人假商人名中納材木計

支價直三十三萬二千四百餘貫所中材木茶無至
 者御史臺推鞠皆涯播之中納故有是命

王彥威文宗開成中為戶部侍郎判度支既掌利權
 心希大用時內官仇士良魚志弘禁中用事先是左
 右神策軍多以所賜衣服于度支中佑判使多曲從
 厚給其價開成初有詔禁止然趨利者猶希意從其
 請託明年彥威大結私恩凡內官請託無不如意物
 議鄙其躁妄
一說開成二年四月彥威奏左神策及
 立三軍共中納衣賜紫綾二萬二千五
 百疋請與收納從之近年詔司於度支納賣貨蠹國
 用積弊不能去之自開成初時降明詔禁斷至是彥
 威以仇士良滅福日熾故
 復為奏請時論大為不可

